

حقوقی بیلگیلر مجموعه سی

هر آک اون بشنده نشر اولنور

DOCTRINE

حقوق دوکتوری

مبسوسی: غاد فرانفر



تَتَبَعْلَر

حقوقی فکرلر — RÉFLEXIONS JURIDIQUES

کنج بر مفوفی: م. ع. بک

لیسه کزی بیتیرد کدن صو کرا ابونکزک آرزولرینه رغماً حقوق تحصیلنه قرار ویردیکیزی بیلدیره رک بدن بعض نصیحتلر طلب ایدیورسکز. ابونکزک سزی ایش و تجارت عالنه سوق ایتک ایستدکلری واوزون دوشونجه لردن صو کرا بو آرزویه اقتفا ایتمه رک بیلکی مراقکزی وتبع احتراضیکزی تطمین ایتک ایستدیکز. دیگر مسلکک رک فائده لرینی، متجسسلی تطمین ایدن خصلتلرینی کوز او کندن کچیره رک «حق» مفهومک قدسیق او کنده، حق مدافعه ایدن مسلکیزی ترجیح ایتدیکز.

اول امرده نی حسب حالکزه مخاطب طوتما کزک سبینی درک ایده مدم. بوتوجه کزی یکر می سنه لک حیات مسلکیه مه ورجوق مشکلاتله نشر ایتدیکم بو مجموعه مه مدیون اولدیغی تقدیر ایده رم. یوقسه تجربه واققدار جهندن سزه رهبرلک ایده جک، آرقاداشلر من آراسنده، نه قدر قیمتی شخصیتلر واردر.

مع هذا علممزه، مسلکمه قارشی بوقدر اشتیاقی بر حرارت کوسترن برکنجک خطابی جوابسز براققی موافق بولماقله برابر قراریکزدن ناشی سزی تقدیر ویا تکدیر

ایتمک لازم کله چکی حقنده پک مترددم . البته که حقوق علمی پک دهرین ، پک قیمتی روحه حظ و یرن بر علمدر ؛ البته که ، بو علمه روحاً ، قلباً مربوط اولانلر وجدانی سعادتله و معنوی ممنونیتله مظهر ارلورلر . فقط ، مادیتدن تعری ایدمه یین بشر ، معنوی حظوظ ایله اکتفا ایدمه بیلیرمی؟ و مسلیکمیز ، منتسبیرینک هر درلو احتیاجلرینی ، صرفه مجبور اولدقلری فعالیت و غیرت نسبتنده ، تطمین ایدمه بیلیرمی؟ بوسؤاله قطعیتله جواب و یرمه یورم . زیرا ، حقوقیک ده املکتمزده لایق اولدینی موقعی احراز ایدمه یور و آوو قاتلق ده ا - جمهوریتک جناحنده در که - صوک ییللرده بر پارچه مستحق اولدینی شرفی قازانمغه باشلایور . فقط ، ده ا یولک پک باشلانغچنده یز ؛ حقوق ، علم اعتباریله ، بزده پک ابتدائی بر حالده در . اودرجه ده که مثلاً بر مجموعه ، بودجه سنی قاپادامایور . حقوق ، صنعت اعتباریله دخی ، استلزام ایلدیکی منفعت و غیرت نسبتنده ، منتسبئی اطاشه ایدمه مکده در .

مع هذا ، علمک جاذبه سنه بودرجه مجلوب اولان بر کنجک جسارتی قیرمق انصافسزلق اوله جفندن استقبالك سزی حقلی و ابویسکزی حقسز کوسترمسنی دعا ایتمک وظیفه مدر .

مادام که حقوقه ، بو علمک قیمتی تقدیر ایتدیکسزدن دولایی انتساب ایتدیکسز واونی واسطه معیشت اولمقدن زیاده ، تشنه سی بولوندیغکسز علمی تبعات حقنده کی احتراصکزی تطمین ایدن بر یول اوله رق تلقی ایتدیکسز . بئم و یرمه جکم نصیحت و توصیه ایدمه جکم بر شکل یوقدر . زیرا ، حقوقه انتساب ایدمه جک بر کنجه ذاتاً توصیه ایدمه جکم شی [حقوقی ، حائز اولدینی علمی کوزللکدن دولایی سویکسز ؛ بر طرفدن ، اونکله معیشتکزی قازانمغه چالیشمقله برابر ، صرف دعوی قازانمغه چالیشان بر آوو قاتدن زیاده حقوقی مسائلی تدقیق ایتمکله مشغول بر علم آدمی اولمغه چالیشکسز] دیمکدن عبارتدر . مکتوبکسزدن ، اساساً بو یولی قبول ایتدیکسزی آکلایورم . بو فکر لرده ثبات ایتمکزی و حیالک ناقابل اجتناب اولان صدماتی نتیجه سنده تبدیل قناعت ایتمه مکتزی توصیه ایدمه درم .

مادام که بی مخاطبکسز قیلمق شرفنه نائل ایتدیکسز . کوچوک بر نقطه حقنده نظر دقتکزی جلب ایدمه جکم . حقوق علمنک اساساتی تدقیق ایتدیکسزی و حق مفهومنک قدسییتی اوکنده لرزان اولان روحکسزک بو مسلیکه مجلوب اولدینی سویله یورسکسز . اول امرده دوشونملی یز که حقوق ، بر علم آدمی فوق العاده علاقه دار ایدمه جک درجه ده

متنوع، و معضل بر علم اولمقله برابر «علوم ریاضیه» کی قطعیت ادعا سنده بولونماز. حقوق، عاداتا حیات کی سیالدر. يك محتملدر که استقبالده کی تبعلریکتر شیعمدیکی ندقیقاتکیزک نه قدر سطحی اولدیغنی کوستره جکدر. حتی، مکتوبکیزده تکرار ایده. کلدیکیز «حق مفهومی» حقنده حالا علمانک اتفاق ایدمیدیکی کوره جکسکیز. بوندن جساتکیز قیرلما مالیدر؛ علممیزک ماهیتی، مناقشه واجتهادی هر نقطه دن سربست برافقندر. ذاتاً «حق» کلهسی يك که نیشدر؛ هر لسانده بو کلهیه متعدد معنالر ویرلمشدر. اولاً «حق» بر آدمک بر شینی یا بقی خصوصنده قانونک بخش ایتدیکی صلاحیتلدر. مثلاً: حق ملکیت که برکشینک بر شینی کندی منفعتنه اوله رق استعمال ایتک صلاحیتی در. حق وصیت، حق ولایت کلهنک بومعناسنه داخلدر. دیگر طرفدن «حق، حقوق» قانونلرک یعنی افعال بشریه یه تطبیق اولسان قواعدک هیئت عمومیه سنه اطلاق اولونور. بوایکنجی معناده استعمال ایدلده دایماً بروصفله قوللانیلیر. یا ملیتی کوستریلیر فرانسر، تورک وانگلیر حقوقی دمنیر. یا نوعی کوستریلیر جزا حقوقی، مدنی حقوق کی. محترم دوستم «تورک لغتی» نامنده کی اثر مخلدک لایموت محرری حسین کاظم (شیخ محسن فانی) يك افندیکن افاده سنه نظراً قرآن عظیم الشانده حق کلهسی یکریمی دوت مختلف معناده قوللانیلشدر. بو معنالرک مقایسه سیله آرازلنده کی نکته فرقلربی ایضاح ایده جک صورتده بر مقاله یازماسنی مومی الیهدن رجا ایتدم. یقینه مجموعه مزده انتشار ایده جکدر. کوره جکسکیز که حق دینان شینی احاطه ایتک نه قدر مشکلدر.

حتی علما آراسنده حالا حل ایدیلهمه ین دعوالردن بری ده، حقوق موضوعه نک باشنده طبیعی بر حقوقک بولنوب بولونماماسی قضیه سیدر. حق مفهومک شمول واحاطه سنه متدائر اولان بواساسلی نقطه ده بیله حقوقیار اتفاق ایدمه یورلر. بر قسمی حقوقک، آنجق جمعیت واشخاصک سلامتی ایچون افرادک اصول مخصوصه دائره سنده قودینی قواعددن یعنی موضوع قانونلردن عبارت اولدیغنی ادعا ایتکده ایکن دیگر قسمی حقک، قانونلرک فوقنده بر مفهومی اولدیغنی وقانونلرک رولی ویوکسک مفهومی حیاتی تطبیقاته تمثیل ایتدیرمک اولدیغنی ایلری سورمکده درلر. فقط طبیعی حقوقک تعریفده دخی مؤلفلر اتفاق ایدمه یورلر؛ محرر اودو Oudot «حقوق طبیعی، قوانین حالنده تثبیتی آرزو ایدیلن قواعدک هیئت عمومیه سی» دهیه تعریف ایتکده ایکن دیگرلری بشقه درلو تعریف وتصور ایدرلر. هر موضوع قانون، مفکوره وی بر حقک محصله سی ایسه

قوانین موضوعه عددندہ طبعی قانونلر تصور ایتک لازمدرکه معاسزلکی عیاندِر .
مع هذا، نصف و عقل سلیمه مستند بعض قواعد اساسیه نك روح بشرده و وجدان
افرادده مكنوز و حقوق طبیعیہ نك بو بر قاج اساسلی قاعده دن عبارت اولدینغی ادا
ایدنلر چوقدر . بونلرك نظرنده « حقوق طبیعیہ » نه قانونك كندیسه نده مفكوره ی
بر قانوندر . شارع رهبرك ایده جك بر قناعتدر . او قناعتدن اوزاقلاشهرق یاپیلان قانون
حقسز و فنا بر قانوندر . بو نصف و عقل سلیم قاعده لری تقنین ایدیله جك ماهیتده اولمایوب
وجدان بشرده مكنوزدر، ذاتاً عددی فضله اوله ماز . امنیت مال و جانك، حریت وجدان
و سربستی سعی و عملك تأمین، عائله مؤسسه سنی صیانت و جمعیت بشریه مضر حرکاتی
منع ایتك كی بره نسیدلر طبیعی حقوقك اساسلی ركنلری تشکیل ایدرلر . بونك ایچوندرکه
هر مملكتك موضوع قانونلری مخالف ایتكله برابرینه بو قوتلی بره نسیدلری تطبیقه
مأموردرلر . ایشته بونك ایچوندرکه ، طرفدارلرینه كوره ، حقوق طبیعیہ ، قوانینك
فوقنده ، ملیت و اجتهاد فرقلری اوستنده ، وحدتی محافظه ایتكده در .

بوملخص ایضاحاتی ویرمكدن مقصدم بو مغلق و معضل مسئله یی حل ایتك دكلدر .
مکتوبكزده « حق » و « حق مفهومندن » فضله بحث ایتدیككز ایچون ، هر مسئله ده
مخالف و متناقض اجتهادلره تصادف ایده جككزی شیمیدین اخطار ایتكدر . بو کیفیت ،
علم، نك برقیصه سی صایله ماز . حقیقتك مختلف وجهه لری اولدینغی كوستره رك اوحقیقی
آرامغه سزی تشویق ایتك ایستبورم . موفقیاتككز صمیمی دعاچیسی یم اقدم .

یکی بر نظریه :

حمدی حلیم، عثمان نوری و ناظم عزت بك برادرلرمز، عمومی حربك بر نتیجه سی
اولهرق دوغان یکی بر نظریه حقوقیه حقنه چوق استفاده لی یازیلر نشر ایتدیلر : نك
بركله ایله *théorie de l'imprévision* فرانسزجه بك كوزل بر صورتده افاده ایدیلن
بونظریه نك ترجمه سی هر یی برشكلده یاپدی . حمدی حلیم بك « عدم احتمال نظریه سی »
دهیه ترجمه ایلدیکی حالده عثمان نوری بك « اولجه درپیش ایدیله مهین » یاخود « اولجه
تخمین اوله مایان » تعبیرلری قوللاندیلر . ناظم عزت بكك تكلیف ایتدیکی « خارج
از تخمین نظریه سی » تعبیری مفهومی موافق بر صورتده افاده ایتدیككدن بن دخی ترجیح
ایدیورم .

مسئله‌ی یکی کله ایله تلخیص ایدلم : الك اول فرانسه‌ده برشهرک تنویراتی تأمین ایتک صورتیله بر خدمت عمومی‌ی درعهده ایدن بر الکتریک شرکتی کمور و عمله اجوراندنمده تخدمت ایدن ترغ فیتادن ناشی تعرفه‌سنگ تزییدینی ایسته‌مش وبلدی‌ده دأثره‌سی بوطلی رد ایتش اولدیفندن فرانسه شورای دولته مراجعت ایتمشدر . شورای دولت خارج از تخمین نظریه‌سنة استناداً تعرفه‌سنگ تزییدینه قرار ویرمش و او وقتدن بری بوقرارلر تکرر و تعدد ایتمشدر .

آنحقی لایقيله اشارت ایتک لازمدرکه « سبب مجبر » نظریه‌سی مقالوه‌ی ایفا ایتیمینی تضمینادن قورناردینی حالده « خارج از تخمین » نظریه‌سی مقالوه‌ی اصلاح و تعدیل ایتدیرر .

بنجه ، بو نظریه قطعياً مواد حقوقیه‌ده تطبیق ایدیلهمز . آنحقی و منحصرأ خدمات عمومی‌یه‌عائد ایشلری درعهده‌ایدن شرکت و دوائر شایان تطبیقدر . علی‌ایله ولی آراسنده بر مقالوه عقدایدلمش ، حقیقه در پیش ایدیلهمه‌ین اسبابدن ناشی مقالوه‌سنگ اجراسی متعهد ایچون غیر ممکن بونومش ؟ بورسبب مجبردر ؛ مقالوه اجرا ایدلمز و تضمیناته محل قالمایه‌بیلیر ، فقط عاقد دیگر فیثائی آرتریمغه مجبورایدن جک بر اساس قانونی تصور ایدیلهمز . آنحقی خدمات عمومی‌یه مسأئلنده حال عینی دکلدر ؛ الکتریک شرکتی تعرفه‌سنگ تزییدینی طلب ایدیور ؛ خارج از تخمین نظریه‌سنة نظراً بوطلب اسعاف ایدیلیر ؛ زیرا اسعاف ایدلمزسه الکتریک تنویراتی وظیفه‌سفی درعهده ایدن جک اولان یکی بر مؤسسه‌ینه اسکی تعرفه ایله تنویراتی تأمین ایدیمه‌جکندن یکی بر شرکت مزاید بر تعرفه ویرمکدن ایسه اسکینسنگ مطلوبی اسعاف ایتک هم منفعت عامیه هم حس نصفته موافق دوشر .

بو سطرلری آوروپادن یازیورم . ارقاداشلرک مقاله‌لری یانمده دکلدر . خاطرمدده قالدیفنه کوره بوجهت حقنده فضله ایضاحات ویرلمه‌مشدر . بو نقطه لایقيله ایضاح ایدلمزسه حقو قیلر مرک یا کلس بر ذهابه صایم‌الزندن و معاملات حقوقیه‌ده « اسباب مجبر » نظریه‌سیله « خارج از تخمین » نظریه‌سنگ قارشیدیرلماسندن قورقارم .

حس نصفتن اوزاقلاشمایان حکومتز لوزان معاهده نامه‌سیله بو نظریه‌ی قبول ایتمشدر . خدمات عمومی‌یه امتیازلرینی درعهده ایتش اولان شرکتلر تعرفه‌لرینک « احوال اقتصادی جدیدیه توفیق » ایدیلهمجکی تثبیت ایدلمشدر که معنی اعتباریله « خارج از تخمین »

نظریه‌سی قبول ایدلمش دیمکدر . لوزان معاهده نامه‌سنک تطبیقیه اوغراشان ناظم عزت بک برادرمن مسئله‌ی بو نقطه‌دن تدقیق بویورورسه بومراقلی بحث برقات دها تنورینه لطف ایتمش اولور .

دولتک تضمین بورجی :

صوک زمانلره بویوک طرفدارلر قازانان نظریه‌لرن بریده بر مأمورک یا کلش ویا حقسنر معامله‌سندن ناشی ضرر کورن فردک تضمینات طلبه حقلی اولدینی قضیه‌سیدر . بوتضمیناتی هم دولت هم مأمور مسئول ، متسلسلاً اعطایه مجبور طوتومالیدر . بو پرنسب رومانیای قانون اساسیسنده تصریح ایدلدیکی کبی دیگر بعض دولتلرده قبول ایدلمکدهدر .

اسقوجیاده (میس غلیقریست) نامنده بر قیزی اولدورمکه مظلون و محکوم بولنان (اوسقار - سلاپیهر) نامنده بریسی اون طقوز سنه صوکر اعادة رؤیت ایدیلن محاکمه‌سی نتیجه‌سنده معصومیتی تقرر ایدرک تخلیه ایدلمشدر . مطبوعات شیمدی بو آده ویرلسی لازم کلن تضمینات مسئله‌سیله اوغراشمقدهدر . بر قسمی مادام الحیات کندیسنه سنوی بر مبلغ تأدیه ایدلسی و بعضاری ده طوپدن بر پاره اعطاسی مطالعه‌سندهدرلر . بو بحثی تدقیق ایدن (سونده‌ی پیکتیورال) غزنه‌سی سنوی ایکی بیک بش یوز تورک لیراسی ویرمکی در میان ایدن تکلیفی و طوپدن ایکی یوز بیک تورک لیراسی اعطایه ایتمکی مطالعه ایدن تکلیف دیگر بی اساس و غیر کافی کورمکدهدر . تضمینات ، ملتک ثروتی و پایلان یا کلیشلغک بویوکلیکیله متناسب اولماسی اقتضا ایتدیکندن مبلغلرک کهنش صورتده تزیدی لزومنده غزنه فضله اصرار ایتمکدهدر .

دولتک افراد حضورنده کی موقعی حقنده اوروپا افکار عمومیه‌سنده نشوونما بولان بودوشونجهلر جداً تعمیقه سزادر .

آنس - فرانسه . ۱ اغستوس ۱۹۲۸

میل اسلی غادفرانقو